



**Francisci Monacelli Eugubini J. U. D. Protonotarii  
Apostolici, olim Ecclesiæ Venusinæ, ac deinde Æsinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad  
Officium Judicis nobile, continentur ; Opus Episcopis, Vicariis Generalibus,  
Aliisque Iurisdictionem quasi Episcopalem exercentibus: necnon  
Confessariis, Parochis, Cancellariis, cæterisque in dicto Foro versantibus,  
apprimè utile ...

In qua præter Supplementum Formularum Fori extrajudicialis, accesserunt  
quamplures Formulæ Fori contentiosi, necnon nonnullæ litteræ Pastorales  
non minùs utiles, quàm necessariæ gubernium Ecclesiasticum  
assumentibus, ab eodem Auctore annotationibus auctæ, sacræ paginæ  
oraculis, & Sacr. ...

**Monacellus, Franciscus**

**Venetiis, 1707**

Mandati de extrahendo confugam à loco immuni. Form. XIV.

---

[urn:nbn:de:hbz:466:1-62423](https://nbn-resolving.org/urn:nbn:de:hbz:466:1-62423)

illius oraculum expectare. Mandatum autem de carcerando, seu extrahendo poterit concipi sequenti, vel simili modo.

Mandati de extrahendo Confugam a loco immuni.

FORMULA XIV.

SUMMARIUM.

1. Licentia extrahendi Confugam a loco immuni in casibus non exceptis, non

potest ab Episcopo concedi, nisi per delegato Sacrae Congregationis.

2. Qui delinquit in Ecclesia non ex proposito, sed accidentaliter, vel provocatus, vel infert vulnera, et membra non mutilat, gaudet immunitate, sed debet ab Ecclesia depelli, & num. 3.

4. De immunitate, & pertinentia ad illam remissive.

5. Ecclesia in quibus castibus per effusionem sanguinis polluat, vel non referuntur plures casus.

**T**ibi N. Baroncello nostrae Curiae, vigore facultatis Nobis à Sacra Congregatione Immunit. de Urbe concessae, committimus, & mandamus, ut accedas cum tuis Lictoribus ad Ecclesiam N. (sive Domum immunit. N.) ubi reperitur N. Confuga, & eum cum assistentia R. Presbyteri N. capias, & captum inde extrahas, & extractum sub tuta custodia ad Carceres nostros perducas, ibi retinendum ad liberam dispositionem ejusdem Sacrae Congreg. Te admonentes, ut captura, & extractio d. N. sequatur cum omni decencia, & reverentia loco immuni debita: quoniam, &c.

N. Episcopus N. Delegatus.

Ego infra scriptus testor, & cunctis indubiam fidem facio, qualiter die... hora... in Ecclesia N. (sive Domo immuni N.) à Baroncello N. ejusque Birruvatis, vigore mandati Illustrissimi D. Episcopi fuit captus, & extractus à d. Ecclesia N. confuga, cum assistentia R. D. Presbyteri N. deputati, & cum omni decencia, & reverentia loco immuni debita, presentibus, & videntibus N. & N. Testibus ad id specialiter adhibitis, atque rogatis. In quorum, &c.

Ita est N. Cancellarius Episc. Curiae N.

ADNOTATIONES.

1. Licentia ista valde discrepat ab alia quam dedi tom. 1. tit. 6. form. 8. Nam illa conceditur ex justitia, & auctoritate Ordinaria pro extrahendis delinquentibus in casibus à Gregoriana exceptis ad requisitionem Curiae Sæcularis: hæc autem permittitur jure delegato, ad repellendas abominaciones à loco Sancto, ne vel improbis profana esse videantur ea, quæ Divina sunt, neque in Sacratibus Deo-

que dicatis locis liceat ea facere, quæ tibi in aliis quidem passim impunè fieri permittendum est.

2. Qui autem delinquit in Ecclesia non ex proposito, vel insidiosè, sed ex impetu, aut casu fortuito, vel accidentaliter, non dicitur Ecclesiam violare, & ideo gaudet immunitate, Host. in cap. de immunit. Eccles. Innoc. in cap. inter alia eodem tit. Sacrae Congregat. Episcop. in Brnonien. 13. Septembr. 1619. Gaudet quoque immunitate, qui in Ecclesia delinquit.

quit provocatus Sac. Congregat. Immunit. in Algar. 24. Martii 1637. lib. 3. fol. 37. Item gaudet ille, qui non occidit, nec mutilat membrum in Ecclesia sed infert vulnera, seu sfrisia Sac. Congreg. Episcop. in Januen. 16. Novembr. 1618. & Sac. Congreg. Immunit. in Caesaten. 6. Maii 1653. libr. quinto Decret. Paul. folio 13. Conciol. resolut. criminal. verb. immunitas resol. 3. num. 13. ubi dat concordantes. Membrum autem dicitur quis mutilare, si abscindatur pes, oculus, manus, nasus, lingua, digitus autem, dens, barba, cartilago auriarum, non dicuntur membra, sed adjectoria membrorum, Conciol. ibid. num. 14.

3. Verum etsi hæc, & similia delicta non excepta, confugam immunitate non privent: nihilominus, quia regulariter sine scandalo evenire, & non nisi à solitis delinquere, patrari, illum gravant, ut mereatur juxta supra deducta, & formam traditam, ab Ecclesiis, & locis immunitibus legitima auctoritate depelli, pro ut sunt etiam fraudolenti Debitores, Guazzin. ad defens. animar. lib. 2. defens. 7. addit. ult. num. 8. semper tamen adhibita cautela, ut neque indirectè incidat in manus Curiae Secularis.

4. Cætera ad immunitatem pertinentia vide in tom. 1. tit. 6. annot. ad formul. 8. & in Appendic. annot. ad Bullam Greg. XIV. pag. 286. & in annot. ad litt. Congr. Immunit. pag. 331. & iis, quæ de Ecclesiæ pollutione dixi in annot. ad form. 10. num. 27. tit. 6. adde sequentia.

5. Non polluit Ecclesiam effusio sanguinis facta ad propriam defensionem. Secundo facta casualiter, aut ab infante, vel infano. Tertio si vulnus fuit factum extra Ecclesiam, & percussus ingrediatur intus, & ibi effundatur sanguis, aut moriatur: secus si unius inferatur intus, & percussus sit egressus extra, & ibi sanguis effusus, vel ductus ad Domum post paucas horas moriatur, nam tali casu injuria fit Ecclesiæ, quia data fuit in ea causa physica effusionis. Quarto si secetur vena violenter, dummodo non sequatur mors: quia vena naturaliter est copiosi sanguinis emissiva. Quinto, si quis fortè cum aliquo contendens pugno eum percutiat in

naribus, & flueret sanguis in magna quantitate. Sexto ex vulnere, & effusione Sanguinis hominis mortui, puta cum quis vulneravit Cadaver inimici. Polluit è contra recisio digiti, ratione notabilis effusionis. Secundo, occisio fidelis facta in Ecclesia ab Hæretico ob fidem. Tertio, occisio unius ex errore facta pro alio in Ecclesia. Quarto, verberatio alicujus facta in Ecclesia si sequatur intrà breve tempus mors, licet non sit effusus sanguis, P. Felix Potest. Panormic. in Exam. Ecclesiastico num. 576. & 577. tom. 1. plenius Sayr. de censur. lib. 5. cap. 16. per tot. Nicol. lucubr. Canon. lib. 5. tit. 39. de sentent. excommun. num. 232.

Edicti prohibitionis accessus ad Monasteria Monialium.

### FORMULA XV.

#### SUMMARIUM.

1. *Votum Religionis est Sacrificium Deo gratissimum.*
2. *Officium Episcopi quale sit ostenditur.*
3. *Episcopus concedit licentias ingressus in clausuram monialium quantumvis exemptarum.*
4. *Moniales tempore bacchanalium aut recreationis non utuntur veste virili, neque armis se accingunt.*
5. *Episcopus circa ea, quæ pertinent ad clausuram potest processus construere, & Moniales exemptas examinare inconsultis Superioribus eorumdem.*
6. *Moniales exemptæ confiteri non possunt confessario ab Episcopo Diocesano non approbato.*
7. *Superior Regulares Monialium non potest Confessiones eorumdem audire, nisi præcedat approbatio Episcopi.*
8. *Episcopus in casu negligentia Superiorum Regularium, & ex alia legitima causa, potest deputare confessarium extraordinarium monialibus Regularibus subiectis, &*

nu-